

四庫全書

子部

欽定四庫全書

玉海卷一百六十五

宋 王應麟 撰

宮室

館

周禮注候館樓可以觀望者也說文館客舍也

黃帝大庭館

列子黃帝即位十有五年云云退而閒居大庭之館齋心

服形

商陽館

見明堂類

周候館

詳見
郊驛

地官遺人凡賓客會同師役掌其道路之委積十里一廬三十里有宿宿有路室五十里有市市有候館候館有積注宿可止宿若今亭有室候館樓可以觀望者委人凡四方之賓客館焉秋官環人掌送迎賓客舍

則授館 小行人眠館 司儀致館 國語周之秩官
有之曰敵國賓至候人為導卿出郊勞司里授館

漢礪氏館

郊祀志武帝即位六年云云明年召文學之士明年上初

至雍郊見五時上求神君舍之上林中礪氏館

史記云礪氏觀

武帝故事云起栢梁臺以處神君

紀元光二年冬十月行幸雍祠五

時舍神君

在此年 上林賦靈園燕於閒館

封禪書鬼神接

靈園賓于閒館注謂神君

漢飛廉館 桂館 益壽延壽館 平樂館

見下

延壽
觀

武紀元封二年春幸緱氏遂至東萊夏四月還祠泰山
至瓠子臨決河還作甘泉通天臺長安飛廉館注應劭
曰飛廉神禽能致風氣者也明帝永平五年至長安迎
取飛廉并銅馬置上西門外名平樂館董卓悉銷以為
錢晉灼曰身似鹿頭如爵有角而蛇尾文如豹文 郊
祀志 兼紀 元鼎六年冬公孫卿候神河南言見僊人迹
年月

緱氏城十月天子親幸緱氏元封二年春公孫卿言見
神人東萊山若云欲見天子於是幸緱氏城拜卿為中
大夫遂至東萊無所見見大人迹云公孫卿曰僊人可
見上常往遽以故不見令陛下可為館如緱氏城置脯
棗神人宜可致且僊人好樓居於是上令長安作飛廉

桂館

二館名 史記云蜚廉桂館

甘泉則作益壽延壽館

亦二館名 史記作

益延壽觀索隱曰漢武故事云作延壽觀高三十丈
括地志曰在雍州雲陽西北八十一里通天臺西八十

步使卿持節設具而候神人乃作通天臺置祠具其下

將招徠神僊之屬 西都賦披飛廉入苑門 西京賦

陳虎旅於飛廉

漢平樂館

又見 詳見 觀類

武紀元封六年夏京師民觀角抵于上林平樂館又元

年春作角抵戲注文穎曰蓋雜技樂也巴 枚臯傳上

書北闕詔使賦平樂館上善之武帝 東方朔傳董偃常

從馳逐平樂朔有平樂觀賦 霍光傳禹山走馬馳逐

平樂館 風后握機武帝令霍光等習於平樂館 羽

獵賦望平樂徑竹林注張晏曰平樂館名晉灼曰在上
林中 西京賦大駕幸乎平樂張甲乙而襲翠被攢珍
寶之玩好紛瑰麗以多靡臨迥望之廣場程角觝之妙
戲烏獲扛鼎都盧尋橦薛綜注平樂館大作樂處也李
尤平樂觀賦曰設平樂之顯觀處金商之維陬 李尤
平樂館銘曰層樓通閣禁闈洞房選注引之焚梁照曜朱華
飾璫騁武舒秘以示幽荒又賦曰習禁武以講捷厭不
羈之遐鄰彌平原之博敞處金商之維陬大厦累而鱗

次承宮堯之翠樓過洞房之轉闥歷金環之華鋪南切
洛濱北陵倉山龜池泱泱果林榛榛天馬沛艾鬣尾布
分方曲既設秘戲連叙逍遙俯仰節以鞞鼓 張元傳
中平二年張溫以車騎將軍出征涼州元說溫曰聞中
貴人公卿已下當出祖道於平樂觀 水經注穀水又
南逕平樂觀東 漢宮殿名長安有平樂觀 霍光傳
北臨昭靈南出承恩注服虔曰皆館名

漢豫章館

見觀類

漢迎風館

文選陸士衡詩置酒迎風館注見西京賦既新作於迎

風增露寒與儲胥

武帝因秦林光宮元封二年增通天迎風儲胥露寒

曹子建

詩迎風高中天注地理書曰迎風觀在鄴

漢三館

欽賢接士

翹材

平津客館

類說平津侯

弘公孫

開東閣營客館以招天下賢士其外

曰欽賢館以待大賢德任毗贊佐理陰陽者處之次曰

翹材館以待大材任九卿將軍二千石者處之次曰接士館以待國士其有一介之善一方之藝者居之自李蔡至石慶丞相府客館丘虛而已至公孫賀劉屈氂時壞以為馬廐車庫奴婢室矣

出西京雜記

公孫弘傳起客

館開東閣以延賢人注師古曰閣小門也東向開之避當庭門而引賓客以別於掾史官屬 嚴助傳公孫弘至丞相開東閣延賢人與謀議朝覲奏事因言國家便宜上令助等與大臣辨論中外相應以義理之文 鹽

鐵論賢良曰公孫丞相兒大夫分祿以養賢卑已
以下士葛繹澎侯隳壞其緒毀其客館議堂以為馬廐
掃舍黃圖河間獻王德築日華宮置客館二十餘區
以待學士

漢高陵館

漢武故事上自封禪後夢高祖坐明堂羣臣亦夢想於
是祀高祖於明堂以配天還作高陵館後漢李尤高
安館銘曰巍巍高安明聖是修嶠嶠麗館窻闥列周

王莽更名霸昌館為長存館

漢長平館

宣紀甘露三年春正月匈奴呼韓邪單于稽侯罽來朝
使有司導單于先行就邸長安宿長平上自甘泉宿池
陽宮上登長平坂詔單于毋謁注如淳曰阪名也在池
陽南上原之坂有長平觀去長安五十里師古曰湮水
之南原即今所謂畦城阪 元后傳饗飲飛羽校獵上
蘭登長平館臨湮水而覽焉注師古曰館在長平阪也

漢屬玉館

西都賦

見觀類

漢白鶴館

元紀初元三年茂陵白鶴館災詔曰孝武園館

漢射熊館

元紀永光五年冬幸長楊宮射熊館布車騎大獵揚

雄傳上將大誇胡人以多禽獸

成紀在元延二年冬

秋命右扶風

發民入南山西自褒斜東至弘農南畝漢中張羅罔置

梁捕熊羆豪豬虎豹狢獾狐兔麋鹿載以檻車輸長楊射熊館縱禽獸其中令胡人手搏之自取其獲上親臨觀焉是時農民不得收斂雄從至射熊館還上長楊賦

以風

七畧云綏和元年上

黃圖長楊宮有射熊館在盤屋

地理志秦

昭王起

一本元光五年冬幸射熊館

漢上林宮館

相如賦天子之上林云云離宮別館彌山跨谷高廊四注重坐曲閣華棖璧璫輦道纚屬步欄周流長途中宿夷

峻築堂紫臺增成巖突洞房頰杳眇而無見仰泮棹而
捫天奔星更於閨闈宛虹拖於楯軒青龍蚴蟉於東箱
象輿宛憚於西清靈圉燕於閒館偃佺之倫暴於南榮
醴泉湧於清室通川過於中庭 紀元帝初元元年九
月令宮館希御幸者勿繕治五年夏四月罷上林宮館
希御幸者成帝建始元年秋罷上林宮館希御幸者二
十五所 名信臣為少府竟寧中奏上林諸離
遠宮館希御幸者勿復繕治共張 西都賦

西郊則有上囿禁苑林麓數澤陂池連乎蜀漢繚以周

牆四百餘里離宮別館三十六所神池靈沼往往而在
注黃圖上林有建章承光等十一宮平樂繭觀等二十
五凡三十六所 按黃圖又有昆明遠望燕昇象觀便
門白鹿三爵陽祿陰德走馬柘觀上蘭郎池當路等觀
又有飛廉觀建章有駘盪馭娑杓詣天梁竒寶鼓簧等
宮又蒲萄扶荔宮在上林苑宣曲宮在昆明池西 東
京賦云云三輔故事秦上林苑中作離宮別觀一百四
十六所 外戚傳上林有涿沐館陽祿柘館雲林館

王褒傳宣帝令褒與張子僑等並待詔所幸宮館輒為
歌頌

漢內外宮館 三輔宮館 郡國宮館

又見上

黃圖漢畿內千里並京兆治之內外宮館一百四十五
所班固西都賦前乘秦嶺後越九峻東薄河華西涉岐
雍宮館所歷百有餘區行所朝夕儲不改供 秦離宮

三百漢武帝往往修治之

又麒麟朱鳥龍
興含章皆館名

西京賦封

畿千里統以京尹郡國宮館百四十五右極蓋屋并卷

豐鄆左暨河華遂至虢土注三輔故事秦時殿觀百四十五所 郊祀志元鼎五年其冬郡國各除道繕治宮館以望幸 枚舉傳遊觀三輔離宮館輒使賦之 王訢傳武帝過扶風宮館馳道修治供張辦 宣紀地節三年冬十月詔郡國宮館勿復修治

漢繭館

元后傳王莽欲娛太后市權迺令太后四時車駕巡守四郊春幸繭館率皇后列侯夫人桑遵灞水而被除注

師古曰漢宮閣疏云上林苑有繭觀蠶繭之所也洛

都賦

傳毅

桑宮繭館區制有矩后帥九嬪躬勅工女咸

宣傳闌入上林中蠶室門後禮儀志注桑于蠶宮手

三盆于繭館

漢秘館

賈逵傳明左氏傳國語為之解詁五十一篇永平中上
疏獻之顯宗寫藏秘館蔡邕傳上書曰臣得以學問
執事秘館操管御前

漢恭館

班固典引啓恭館之金滕御東序之秘寶以流其占注
恭館宗廟金滕之所在

漢南北兩部質館

鮮卑傳安帝永初中鮮卑大人燕荔陽詣闕朝賀鄧太
后賜燕荔陽王印綬赤車參駕令止烏桓校尉所居寧
城下通胡市築南北兩部質館鮮卑邑落百二十部各
遣入質注築館以受降質

魏崇文館

唐六典注魏有崇文館

魏玄武館

水經河水又東逕平縣故城北注魏氏起玄武館於芒
垂張景陽協玄武觀賦所謂高樓特起竦峙岌堯直亭
亭以孤立延千里之清聽也 藝文類聚有玄武館賦

宋招隱館

雷次宗傳元嘉中召詣京邑為築室於鍾山西巖下謂

之招隱館 齊於剡白石山立太平館以居褚伯玉

宋儒學館

宋書元嘉十五年立儒學館于北郊命雷次宗居之

齊王儉宅學士館

總明館

詳見
觀類

王儉傳武帝永明三年既立國學省總明觀

五月時儉
乙未

以左僕射領國子祭酒詔於儉宅開學士館以總明四

部書充之又詔儉以家為府自宋世祖好文章士大夫

悉以文章相尚無以專經為業者儉少好禮樂及春秋

言論造次必於儒者由是衣冠翕然更尚儒術撰次朝儀國典自晉以來故事無不諳悉故當朝理事決斷如流每博議引證八座丞郎無能異者何佟之為總明館學士六典注宋太始齊永明有總明館齊永明五年立商飈館於孫陵岡九月辛卯幸焉

梁五館

南史儒林傳梁武天監四年

正月癸卯朔

詔開五館建立國

學總以五經教授置五經博士各一人以明山賓陸

沈峻嚴植之賀瑒補博士各主一館館有數百生給其
餼廩其射策明經者除為吏於是懷經負笈者雲會又

分遣博士祭酒到州郡立學

植之兼五經博士登講五館畢至袁憲傳帝開五

館憲常招諸生論新義大同八年帝撰孔子正言章句詔下國學召憲為正言生

梁集雅館 士林館

梁書天監五年五月置集雅館以招遠學

又見前大同

七年十二月丙辰於宮城西立士林館延集學者胄子

蘇世長上書周武帝使六十學虎門館 又有通道

館學士長孫熾為之見學校

唐三館

修文館

史館

見後

集賢殿書院

見

類

唐武德四年始置修文館隸門下省貞觀二年又建史館於禁中專掌國史開元十三年改集仙殿為集賢殿書院三館之名肇於此矣自是集賢昭文置大學士史館置修國史皆宰相兼領又置學士直學士修撰直館校理之職亦以他官領之其昭文館隸門下省史館寓

於集賢尚未合為一至梁正明中始以汴都左長慶門
東北為三館即所廢四館也於是合為一矣 百官志
弘文館屬門下省集賢書院及史館屬中書省 永徽
元年六月詔三館學士有高第淳良者所司簡試名聞
會要大中六年正月馬植奏始著令三館學士不避
壘自植始六月弘文館奏三館制置既同事例宜等
宋建隆初改昭文因唐故事命宰輔兼領三館 李訓
傳秘館圖籍蕩然無餘

唐文學館 十八學士圖贊

褚亮傳武德四年太宗為天策上將軍寇亂稍平乃向
儒術十月於宮城西作文學館收聘賢才於是下教

降旨

曰昔楚國尊賢道光申
穆梁邦接士德重鄒枚

以大行臺司勳郎中杜如晦記

室考功郎中房玄齡及于志寧軍諮祭酒蘇世長天策
府記室薛收文學褚亮姚思廉太學博士陸德明孔穎
達主簿李玄道天策倉曹參軍李守素王府記室參軍
事虞世南參軍事蔡允恭顏相時著作郎攝記室許敬

宗薛元敬太學助教蓋文達軍諮典籤蘇勗並以本官
為學士七年收卒復召東虞州錄事叅軍劉孝孫補之
凡分三番遞宿閣下悉給珍膳每暇日訪以政事討論
墳籍權畧前載無常禮之間命庫直閣立本圖像具題
名字爵里使亮為之贊號十八學士藏之書府以章得
賢之重方是時在選中者天下所向慕謂之登瀛洲舊書
贊曰十八文星運輝炳耀高宗時許敬宗奏
曰雲臺畫像十有八人三紀于茲惟臣僅在
藝文
志閣立本畫秦府十八學士圖一卷 儒學傳太宗身

橐鞬風纏露沐然銳情經術即王府開文學館召名儒
十八人為學士與議天下事既即位殿左置弘文館悉
引納學士番宿更休聽朝之間則與討論古今道前王
所以成敗或日昃夜艾未嘗少怠 魏王泰傳帝以泰
好士善屬文詔即府置文學館得自引學士

唐修文館

昭文館

弘文館

弘文與崇
文館通

弘

文殿四部書

書樓

十八學士

唐二館

景龍文
館記

選舉志凡館二門下省有弘文館生三十人

會要作三十八人

東宮有崇文館生二十人以皇族總麻以上親皇太后
皇后大功以上親宰相及散官一品功臣食實封者京
官職事從三品中書黃門侍郎之子為之試一大經一
小經或二中經史記漢書三國志各一或經通六史及
時務策通三皆帖孝經論語十條通六為第 官志
弘文館學士 不定員數 掌詳正圖籍教授生徒朝廷制度
沿革禮儀輕重皆參議焉注武德四年詔置修文館

於門下省九年會要三月改曰弘文館九月太宗即位貞觀元

年詔京官職事五品以上子嗜書者二十四人隸館習

書出禁中書法以授之六典注云敕虞世南歐陽詢教示楷法其後又置

講經博士六典注黃門侍郎王珪奏學生學書之暇請置博士兼肄業敕太學助教侯孝遵授經典

著作郎許敬宗授史漢二年珪又請置講經博士考試經業准式貢舉儀鳳中置詳正學

士校理圖籍武德後五品以上曰學士六品以上曰直

學士又有文學直館皆他官領之武后垂拱後以宰相

兼領館務號館主六典始於貞觀初給事中一人判館事神龍

元年

十月十日
九日

改弘文館曰昭文館以避孝敬皇帝之名

二年曰修文館

徐堅兼
學士

景龍二年

四月二十
二日癸未

置太學士

四人以象四時學士八人以象八節直學士十二人以

象十二時景雲中

二年三月
八日己未

減其員數復為昭文館開

元七年

九月四
日甲子

曰弘文館置校書郎

十二月三日置四
人二十三年減二

人又有校理隲校錯誤等官長慶三年七月與詳正學士

講經博士皆罷顯以五品以上曰學士六品以下曰直

學士未登朝為直館

學士劉伯莊許子儒元行冲李敬
元王彦威直學士上官儀高智周

許叔牙魏謩校書郎奚陟鄭覃直館王元威劉允濟孔
緯柳珪弘文生裴行儉徐齊暉房瑄韓泗崔植裴炎修
文生楊神昌人
名詳見下文
會要武德九年九月太宗即位於弘

文殿聚四部羣書二十餘萬卷於殿側置弘文館選天
下賢良文學之士虞世南褚亮姚思廉歐陽詢蔡允恭
蕭德言等以本官兼學士令吏宿直引入內殿講論文
義商榷政事或至夜分方罷貞觀初令褚遂良檢校館
務號館主因為故事其後有張太素劉禕之范履冰相
次為館主貞觀二年移於納義門西九年又移於門下

省南其後移仗大明宮其館亦在門下省南云長慶三年二月弘文館奏請造書樓 選舉志太宗即位益崇

儒術乃於門下置弘文館 儒學傳太宗銳情經術王

府開文學館即位殿左弘文館番宿更休聽朝之間則與討論古今道成敗或曰晝夜未嘗少怠 李適傳

中宗景龍三年

通鑑二年四月癸未案唐書文藝傳作景龍二年

於修文館置

大學士四員學士八員直學士十二員以象四時八節十二月李嶠宗楚客趙彥昭韋嗣立為大學士李適劉

憲等為學士薛稷馬懷素等為直學士凡天子宴會遊
豫惟宰相及學士得從春幸梨園並涓袂除則賜細柳
園辟癘夏宴蒲陶園則賜朱櫻秋登慈恩浮圖獻菊花
酒稱壽冬幸新豐歷白鹿觀上驪山賜浴湯池給香粉
蘭澤從行給翔麟馬帝有所感即賦詩學士皆屬和當
時人所歆慕 翰林故事貞觀中秘書監虞世南等十
八人或秦府故僚或當時材彥皆以弘文館學士會于
禁中內參謀猷延引講習出侍輿輦入陪宴私十數年

間多至公輔當時號為十八學士弘文館學士褚遂良

館主

杜正倫

直館

馬嘉運歐陽詢朱子奢蓋文達谷那律蕭

德言虞世南褚亮姚思廉蔡允恭趙弘智呂才謝偃

直學

士弘文館中有四部書世南為學士與房玄齡對掌太

宗令寫列女傳以粧屏風于時世南暗疏之

姚思廉撰
梁陳書

蕭德言為學士每開五經必束帶盥濯焉 六典注後

漢有東觀魏有崇文館宋元嘉有立史兩館宋太始至

齊永明有總明館梁有士林館北齊有文林館後周有

崇文觀或典校理或司撰著或兼訓生徒若今弘文館
之任也 韋述兩京記弘文館在門下省東 李華含
元殿賦弘文教以開館對日華之清闕蓋左學之遺制
協前王之講德 會要顯慶四年二月二十八日策問
舉人九百人惟李巢崔行功五人上第令待詔弘文館
隨仗供奉開元七年十二月三日省弘文崇文兩館讎
校置弘文館校書四員崇文館校書兩員二十二年二
月二十五日省弘文館校書兩員開元二十六年正月

八日詔弘文生貴胄子孫不專經業自今依令式
考試天寶十四載二月十日弘文生依國子監生例帖
試帖經減半廣德元年七月二十六日敕弘文崇文兩
館生皆以資蔭補所習經業須精熟楷書字體皆正通
七者與出身建中三年十一月敕先補皇宗次宰輔子
孫六年九月敕兩館生選勳賢胄嗣嚴律冒假代之禁
大和七年八月九日敕兩館生試經畢郎官二人覆試
九年十二月弘文生二十四人減四人崇文生十六人

減一人開成三年二月兩軍使狀稱請准大和元年五

月十七日以前敕文官階至三品許用蔭與子孫補兩

館生出身

貞元十一年二月公主之子進補兩館生許孟容執奏元和三年少府監請蔭子為兩館

生韋貫之論奏

權德輿弘文館大學士壁記太宗敷文德建

皇極思與大雅閱達之倫切劇理道金玉王度盛選重

名虞世南褚亮而下為學士更直密侍誕章遠猷講議

啓迪景龍初始置大學士多以宰司處之登閱古先腴

潤大政漢廷金馬石渠蘭臺延閣方斯陋矣 書目景

龍文館記十卷武平一撰景龍二年

四月癸未

詔修文館置

大學士學士直學士凡二十四員得李嶠宗楚客輩每
游燕必賦詩賡唱是書咸紀錄為七卷又別載學士二
十九人傳為三卷 後唐同光三年七月改弘文館為
崇文館

唐史館 史局

百官志史館修撰四人掌修國史貞觀三年移史館於
門下省以他官兼領或位卑有才者亦以直館稱以宰

相泣修撰又於中書省置秘書內省修五代史開元二十年李林甫以宰相兼修國史建議以為中書切密之地史官記事隸門下省疏遠於是諫議大夫史官修撰

尹愔奏徙于中書省天寶後他官兼史職者曰史館修

撰初入為直館元和六年會要四年六月奏宰相裴均建議登

朝官領文職者為修撰以官高一人判館事未登朝官

皆直館以準六典著于令大中八年七月廢史館直館二員增置

修撰四人分掌四季會要云監修鄭明奏云云添修撰二員通舊為四員分修四季之事

左右史開元初詔史官非供奉者皆隨仗而入位於起

居即舍人之次 會要武德初因隋舊制隸秘書省著

作局貞觀二年閏十二月

一云二十三年非也 志云三年

移史官於

門下省北以他官兼領位卑有材者以直館稱

故事以未通籍

者為直館

宰相監修撰自是著作局始罷史職又於中書省

置秘書內省修五代史及大明宮初成徙史館於門下

省南凡祥瑞天文祥異蕃國朝貢入寇來降變律造曲

州縣廢置孝義旌表法令變改斷獄新議有年及饑水

旱蟲霜風電地震流水泛溢諸色封建京諸司長官及
刺史都督都護行軍大總管副總管除授刺史縣令善
政異跡碩學異能高人逸士義夫節婦京諸司長官及

刺史都督都護副大總管已下薨卒公主百官定諡諸

王來朝所由有即勘報史館修入國史開元二十年

五年

月一日

一作開元二十年無月日

宰臣李林甫監修國史以中書密

切之地史官記事隸門下省疎遠於是史官諫議大夫

尹愔遂奏移於中書省北

侍中凡官爵廢置刑政損益授之史官既成復蒞其記注

中書令凡制誥文章獻納以授記事之官永貞元年九月監修國史宰相韋

執誼奏史官修撰皆於私家記錄褒貶之間恐傷獨見

今後望令修撰官各撰日曆凡至月終即於館中都會

詳定是非使寫姓名並不得私家置本仍請永為常式

從之 李元紘傳初左庶子吳兢為史官撰唐書及春

秋未成以喪解後上書請畢其工會要開元十四年七月六日奏詔許

就集賢院成書張說致仕詔在家修史開元二十五年

會要六月二十六日元紘因言國史記人君善惡王政損益褒貶

所係前聖攸重今張說在家修史吳兢在集賢院撰錄國之大典分散不一且太宗別置史館禁中所以秘嚴

也

會要云所以重其職秘其事

謹勒說以書就館參會撰錄詔可

于休烈傳遷大常少卿兼修國史

會要至德二年六月二十三日

肅宗

曰良史者君舉必書朕有過失顧卿何如

褚遂良于休烈魏謩並不

欲人主觀史

朱敬則傳遷正諫大夫兼修國史請高史官

選以求名才

長安二年七月

韋安石嘆曰史官權重宰相劉蕤

傳史局深籍禁門所以杜顏面防請謁也

蔣乂傳貞

元九年擢史館修撰德宗重其職先召見延英乃命之
監修 貞觀房玄齡以左僕射 永徽令狐德棻以
禮侍于志寧張行成以侍中高馮以中書令褚遂良
以史書來濟以中書侍郎

修史學士 貞觀初鄧世隆崔仁師慕容善行劉顥
庾安禮敬播

直國史 李延壽

修撰 蔣乂仲偕韓愈李翱張薦高鉞獨孤郁韋處

厚裴休王彥威

直館 吳競柳芳沈傳師蔣係韋處厚

韋述任史官二十年蔣乂居史職二十年蔣氏三世
修史張薦在史館二十年劉子玄領國史三十年

六典中書省史館注周有太史小史內史而諸侯之國
亦置史官漢武置太史命司馬談為之後漢班固劉珍
等著述東觀皆他官兼領史職魏明帝太和中始置著
作郎及佐郎隸中書省專掌國史晉惠帝元康二年改

隸秘書省歷宋齊梁陳後魏並置著作北齊因之亦謂
之史閣史館故邢子才作詩詠魏收冬夜直史館是也
隋曰著作曹隸秘書省貞觀初別置史館於禁中專掌

國史

史通齊梁置修史學士梁任孝恭入西省撰史陳
顧野王許善心傅縡為撰史學士張正見阮卓為

撰史著士元魏始於秘書置著作局普泰以來別置修
史局其職有六人魏命崔浩摠監史任齊及周隋史官
以大臣統領者謂之監修國史高隆之魏收陽休之監
國史柳敏監修國史唐貞觀三年左僕射房玄齡摠監
諸代史秘書監魏徵摠知其務凡贊論多預焉龍朔中
詔敬宗以太子少師總統史任按晉起居注康帝詔著
述任重以武陵王領秘書
監唐修本草徐世勣監統史官掌修國史本起居注以

為實錄然後立編年之體為褒貶焉 兩京記門下省
東有弘文館次東史館 史通今之史館即古之東觀
別置史館通籍禁門西京則與鸞渚為隣東觀則與鳳
池相接館宇華麗酒饌豐厚史曹崇扃峻宇深附九重
馬融三入東觀張華再典史官 會要長安二年修史
劉允濟言史官善惡必書言成軌範昔班生受金陳壽
求米僕視之如浮雲耳景龍二年四月二十日紀處訥
蕭至忠等並監修國史史官劉知幾求罷史職奏記於

至忠曰知幾三為史官再入東觀不能勒成國典有不
可者五也古國史出一家唯漢東觀集羣儒著述無序
今史司取士滋多人自為荀袁家自為政駿閣筆相視
含毫不斷首白可期汗青無日言未絕口朝野咸知筆
未栖毫搢紳咸誦孫盛實錄取嫉權門王劭直書見讎
貴族常人之情能無畏乎史官注記類稟監修十羊九
牧其令難行一國三公適從焉在監者不肯指授修者
或不遵奉雲知幾著史通二十卷

知幾又言史有三長
才學識父子三人

更注史官 至德二年十一月二十七日修史官于休烈奏國

史一百六卷開元實錄四十七卷起居注并餘書三千

六百八十二卷在興慶宮史館云云前史官韋述家藏國

史一百一十三卷送官長慶三年六月杜元穎奏班固

居鄉里而繼成漢書陳壽處私家而專精國志玄宗國

史張說在本鎮兼修代宗編年令狐自外郎奏上今史

官修憲宗實錄望勒沈傳師就湖南修畢送史館與諸

史官參詳聞奏大和六年七月史館修撰王彥威等四

人並命

楊漢公蘇滌裴林
事不過三員或止兩員故

天祐元年十月十二日

高處魯進史館亡書三百六十卷二年五月二十九日

以修撰職卑翰林學士張榮充兼修國史 紀開元五

年十月甲申命史官月奏所行事 舊紀長慶二年閏

十月己亥敕翰林侍講學士路隨韋處厚兼史官修撰

憲宗實錄仍更日入史館韓愈論史曰據事跡實錄則

善惡自見 李華含元殿賦延載筆之良史俯月華之

峻靡 崇文目史館故事錄三十卷

唐崇文館 崇賢館

太宗貞觀十三年東宮置崇文館 選舉志崇文館生
二十人以皇族總麻以上親皇太后皇后大功以上親
宰相及散官一品功臣身食實封者京官職事從三品
中書黃門侍郎之子為之唐制凡館二門下省有弘文
館生三十人東宮則有崇文館開元七年令二館學士
季一朝參 百官志東宮官崇文館學士二人掌經籍
圖書教授諸生課試舉送如弘文館校書郎二人

盧元
輔子

邵為掌校理圖籍注貞觀十三年置崇賢館顯慶元年

置學士二十人

會要云三月十六日皇太子弘請置學士生徒

上元二年

八月二十

七日避太子名改曰崇文館有學士直學士無常員無其

人則庶子領館事開元七年

十二月三日

改讎校曰校書郎

兩員乾元初以宰相為學士總管事隸左春坊

會要云貞元八

年四月二十八日崇文館宜令左春坊勾當

列傳李敬元高宗在東宮入

崇賢館侍讀假中秘書讀之後撰次禮論

馬嘉運高

宗在東宮引為崇賢館學士侍講宮中

杜正倫為崇

賢館學士典機密以辨治稱

張士衡因以規太子

張士衡蓋文

達劉伯莊秦景通暉

兄弟

李延壽王玄感胡楚賓路敬淳

劉于元為崇賢館學士

李善來濟為崇賢館直學士

楊炯賀紀賀散徐齊冊徐堅為崇文館學士 常袞

拜弘文崇文館大學士

李泌加崇文館大學士辭

許孟容拜禮部郎公主子求補崇文生孟容不可帝問

狀以著令對

兩京記東宮宜春門外有左春坊坊南

有崇賢館明皇居東宮館中起書閣重複以著典籍

會要永隆二年二月六日皇太子行釋奠禮畢上表請
博延耆碩英髦之士為崇文館學士許之於是薛元超
表薦鄭祖玄鄧玄挺楊炯崔融等並為崇文館學士

魏明帝選善屬文者為崇文館學士 魏後周有崇文

觀 東宮學士梁沈文阿為東宮學士徐陵庾信為抄

撰學士父子東宮唐賀德仁蕭德言為東宮學士隋褚亮李

百藥為之

唐別館

藝文志太宗於後苑作別館貯儒釋道書數千萬萬設
琴樂爐常引諸王宗室觀之

唐桂坊館

百官志龍朔三年

二月癸巳

置太子左右諭德及桂坊大夫

改司經局為桂坊館崇賢館罷隸左春坊

唐司成館

百官志國子監高宗龍朔二年改國子監曰司成館祭

酒為大司成司業為小司成

是後又於東都置國子監

唐內文學館 習藝館

百官志宮教博士二人

舊十人

初內文學館隸中書省以

儒學者一人為學士掌教宮人武后如意元年改曰習

藝館又改曰萬林內教坊尋復舊開元末館廢隸內侍

省中官為之 傳魏王泰即府開文學館自引學士

蘇安藏劉光謙為習藝館內教 宋之問楊炯武后召

分直習藝館 宋若昭父廷芬德宗擢為習藝館內教

唐四方館

姚崇傳帝躬萬機朝夕詢逮崇第賒僻因近舍客廬崇

病移舍凡大政事帝必令源乾曜就諮焉帝欲崇自近

詔徙寓四方館

開元四年十一月癸卯

日遣問飲食起居崇以館

局華大不敢居帝曰恨不處禁中此何避

一本云上曰設四方館為

官吏也使卿居之為社稷也

六典注隋於建國門外置四方館隸

鴻臚寺以待四方使客各掌其方國及互市等皇朝以

隸中書省

會要以通事舍人判代宗於右銀臺門置客省德宗罷之

舊紀文宗

大和二年六月癸亥四方館請賜印以中書省四方館

為文 宋朝淳化四年始置四方館使于內職見下

唐鴻臚客館

韋述兩京新記西京承天門從東第一鴻臚寺次鴻臚客注如漢之藁街四夷慕化朝獻者居焉 漢書蠻夷即注若今鴻臚客館

唐臨臯館

李固言傳為西川節度詔雲韶雅樂即臨臯館送之

唐崇玄館

選舉志開元二十九年

百官志會要
二十五年

始置崇玄學習老

莊文列子亦曰道舉

百官志天寶二年

正月十五
五日

改崇玄學曰崇玄館置學士大學士改天下崇玄
學為通道學 會要開元二十九年正月三日於

玄元皇帝廟置崇玄博士一員天寶二年二月四
日以陳希烈為崇玄館學士十二日敕兩京玄元
宮及道院等並隸崇玄館學士 周武帝崇尚道
法求學兼經史者為通道館學士長孫熾應

選

唐廣文館

百官志廣文館

屬國子監

博士四人助教二人掌領國子學

生業進士者有學生六十人東都十人天寶九載置廣

文館有知進士助教後罷知進士之名 會要天寶九

載七月十三日置廣文館領國子監業進士者博士助

教各一人

舊紀七月己亥國子監置廣文館
通鑑七月乙亥置廣文館於國子監

鄭虔

傳玄宗愛虔之材欲置左右以不事事更置廣文館以

虔為博士虔聞命不知廣文曹司何在訴宰相宰相曰
上增國學置廣文館以居賢者令後世言廣文博士自
君始不亦美乎虔乃就職品秩同大學久之雨壞廡舍

有司不復修完泊國子館自是遂廢

集賢注記天寶
十三載八月戊

申綦母潛遷廣文博士

張籍亦為廣文博士

宋朝史館

國初復舊制修撰直館分季纂日歷其後止修撰判館
次太平興國中直史館趙隣幾呂蒙正范杲皆與修撰

淳化四年修國史宋湜亦修日曆十二月太宗問宰臣館中修撰為誰參政臣易簡對以楊徽之張佖梁周翰上曰史才甚難善惡必書斯為良史祥符二年十一月

詔史館置楷書二人寫日曆初史館修書皆無定所乾興元年五月仁宗詔修先朝日曆乙酉請於宣徽院修

纂十月選館閣官二員為編修官

王舉正李淑

從判館李維

修撰宋綬之言也

維等言修撰舊四人

皇祐三年三月四日詔知

亳州宋祁授集賢殿修撰就任刊定新編唐書

故事史館修撰

不外顧
故易之
嘉祐四年九月修撰歐陽修言正史進入禁中

而焚其草史院唯守空司而已乞詔龍圖閣別寫一本

下編修院以備討閱從之熙寧二年十月九日修撰司

馬光請寫仁英實錄留本院元祐五年十一月十三日

尚書省言舊置編修院專掌國史元豐四年十一月廢

院入史館官制行史館歸著作局國史院有故則置 乾德初首以趙普監

修國史開寶後命中書樞密書時政記淳化中置起居

院 興國三年二月以新修三館為崇文院西廡為史

館書庫三年十二月以王著為史館祇候俾刊正切韻
八年七月吳鉉為史館勘書八月楊文舉為史館編修
雍熙四年四月宋炎為史館校勘編修淳化二年十月
郭延澤董元亨為史館檢討至和二年八月十四日史
官言修日曆有檢討官詔韓維為史館檢討嘉祐八年
七月二十三日又命呂夏卿兼 政和八年四月二十
九日工部員外郎滕康請秘閣四部書以秘書郎掌之
列史館于左以法東觀從之

建隆昭文館 太平興國三館 四館

三館之名起於唐修文

武德

史館

貞觀

集賢

開元

梁正明中以

右長慶門

右掖門內

東北小屋數十楹為三館湫隘庠陋衛

士喧雜書纜數櫃每受詔有撰述徒就他所 建隆元

年二月改弘文館為昭文館太宗興國二年臨幸舊館

顧左右曰若此之陋何以待天下賢俊詔有司度左升

龍門東北車府地為三館棟宇之制皆帝親授

左掖門內左升

龍門外前列三館後置秘閣分藏羣書

三年二月丙辰朔功畢

實錄云於乾元殿東

創修三館列四庫書雍熙中於
三館北建秘閣分內府書藏之詔以三館新修書院為

崇文院

通鑑庚辰詔

車駕再臨視

十六日辛巳

壯麗冠內廷遷西

館書分於兩廡東廡為昭文書庫南為集賢西為史館

書庫凡四庫分經史子集四部

六庫書皆以類相從正副本僅八萬卷

是但有直史館淳化元年八月二十五日

丁卯

以呂祐之

等四人直昭文館二十六日

戊辰

和嶢直集賢院備三館

之職祥符八年四月宮城延燔上以內廷火禁嚴寓宿

非便命翰學陳彭年檢討故事五月壬辰彭年言唐制

中書門下兩省宮城內有內省城外有外省今請為內
外院內院奉安太宗聖容御書天文圖書四廡為書庫
史館日厯等庫於右掖門外道北為外院別置三館書
庫館閣官宿直於外院從之天禧元年八月丁亥詔崇
文外院以三館為額天聖九年上以通近市囂非多士
討論之所直集賢院謝絳言唐麗正史局並在大明華
清宮內太宗肇修三館更立秘閣于昇龍門左景德中
圖書寢廣益以內帑西庫

四年五月己亥分內
藏西庫地廣秘閣

二聖數

幸焉逸宿者有不時之召人人力道術究藝文名臣由

此選往遭延燔別外館陛下未嘗迂翠蓋幸冊府宜

開內館以恢景德之制從之十一月辛巳八徙三館于

崇文院

先是權寓右掖門外至是修崇文院成命還舊所昭文大學士夷簡表謝元豐改為秘書省

政和五年遷秘書於新左藏庫

昭文集賢有大學士史館有監修國

史皆以宰相兼領昭文集賢置學士直學士史館集賢

置修撰史館有直館檢討集賢有直院校理崇文有檢

討校書皆以他官領之初昭文隸門下省史官寓於集

賢後合為一 咸平五年七月庚戌幸三館閱四庫書
嘉祐四年二月置館閣編定書籍官九月以內藏西庫
地還崇文院熙寧四年十月二十九日宋敏求言三館
秘閣各有四部書幾四萬卷每帙止用元寫本一再校
更無兼本類多訛舛欲於藏書之家借本繕寫叅定七
年置補寫所元祐四年五月秘書省言崇文總目書籍
將四館分書併合著錄令以黃紙書一本藏秘閣自嘉
祐中編校所寫書未能足數欲添補依崇文總目編次

內有唐朝舊書乞別藏秘閣五年九月十六日復置集

賢院學士

六年八月十六日以命李周先是元年三月二十八日詔內外官許帶集賢殿修撰直院

校理之職

紹聖二年四月三日詔易集賢學士為集賢殿修撰直院為直秘閣校理為秘書校理政和六年

四月十日詔集賢殿無此名改為右文殿修撰

元豐元年十二月七日

秘閣校理蘇洵言四館書籍因置編校所借書校證云云欲不許帶出從之 通畧嘉祐四年右正

言吳及請擇館職分校四館書二月丁丑命蔡抗陳襄蘇頌陳繹編定四館書籍遂用黃紙寫正本

以防蠹敗六年九月丁巳翰林學士王珪判史館馮京

判昭文館又置編校四員

一云置八員

十一月辛未以編校

秘閣書籍孫洙為館閣校勘

供職二年補校勘自洙始

兩制缺人必取於館閣名卿賢相多出此途進經術十

卷試而後除則慶曆三年十一月癸未也輔臣舉二十

人先召試十人則治平三年十一月丙辰也輔臣各舉

文學政事三人則元祐元年四月辛丑也圖書之府著

作之庭與夫校文之處三者各有司存譬之蓬瀛方壺

鼎峙瀛海臺觀金玉隣居往來而均為道家山焉

舊制館閣取之以三路進士
高科大臣薦舉歲月疇勞

書目史館故事錄

三卷纂輯歷代史官建置史筆之體卷末云廣順

末當時周史臣撰又館閣錄十一卷秘閣校理宋

匪躬載興國訖元祐中館閣故事共八門元十

五卷今存十一卷又蓬山志五卷崇寧四年秘書少監

羅綺撰編次館閣故實近事為十五門上之麟臺故

事五卷紹興元年秘書少監程俱撰時復置秘書省俱

承撫三館舊聞及法令因革別為十二門上之續史

館故事錄一卷著作佐郎洪興祖編次開寶訖建炎中

史館職任廢置恩賜事迹續周代之書中興館閣錄十卷

淳熙中秘書監陳騫載建炎以來三館沿革故實及官
聯廩祿職掌等事以補麟臺故事之缺續錄十卷

葉夢得曰端拱中始分三館書萬餘卷別為秘閣命李
至兼秘書監宋泌兼直閣杜鎬兼校理三館與秘閣始
合為一故謂之館閣然皆有書庫而已元豐官制行

改為秘書省 李燾曰本朝因唐故事命宰輔兼領三館首相曰昭文館大學士次曰監修國史又次曰集賢院大學士或虛相位則命參政權領監修自景德二年王旦始昭文大學士熙寧九年王安石罷遂不復除集賢大學士元豐三年王珪遷亦不復除惟監修國史相傳至今自王珪後宰輔皆不入銜監修之名廢于元豐而復于紹興

淳化四方館

四年始置四方館使列于內職吏屬同在京官府 四方館在朝堂門外掌通事分番供奉宣贊之名籍諸道章表朝會進奉

元祐廣文館

太平興國三年九月詔廣文館及州府禮部試進士律賦以平側次用韻元祐七年六月十三日甲子復置廣

文館生員

一云解額 都省言開封科舉有四方士及太學未及年者冒貫應舉舊制試于國子監

先於廣文館補試給牒請復置廣文館生員禮部修立十九條 紹聖二年三月二十八

日以廣文館二百四十人分於諸路解額

紹興史館

元年四月八日詔修日曆

以修日曆所為名 元豐三
之制日曆歸秘書省國史案

年十一月十六日以修國史日曆所為名四年五月二

十四日

癸酉

改為史館六月二十四日置編修校勘八年

八月二十一日以重修神宗哲宗實錄正史及徽宗實

錄增校勘一員十年二月二十二日併歸秘書省國史案

以著作郎佐纂日曆其史館官皆罷見修淵聖及今上

日歷命宰臣提舉

名監修國史

四月復為國史日歷所

從王揚英

言之

史館在省之東九年二月二十二日修徽錄即以

為實錄院十三年十二月重建秘省十四年六月二十
二日遷新省二十九年八月二十四日詔史館修撰檢
討官更不置都大提舉承受並罷 先是三年八月二
十三日詔修日歷命侍從為史館修撰餘官為直史館
及檢討若著作郎佐闕用元豐制以郎官兼領六年正
月修神宗實錄成八年九月哲錄成十年七月十四日

又詔史館修徽錄十五年移史館於省之側別為一所

今國史日厯所在道山堂東次著作之庭三楹庭後為汗青軒蓬巖

嘉定六年六月十

八月重修三館八年七月畢紹定四年秋延燔十一月

一日重建三館五年十月畢工規模一如舊式繫年

錄紹興三年八月乙巳詔復置史館以從官兼修撰餘

官兼直館檢討若著作郎佐有關依元豐例差郎官兼

領四年二月辛丑翰林學士綦密禮兼史館修撰始除

修撰官也

歷代館名

前漢

迎風 露寒 儲胥 飛廉 平樂 臨池

後魏

仙人 露寒 金陵 燕然 扶桑 崦嵫

唐

修文

三十六國

來賓

六朝

儲胥 顯仁

集雅

顯信

職方

行人

來遠

北齊

文林

丹臺新錄所載

金庭

紫微

玉海卷一百六十五

欽定四庫全書

子部

玉海卷一百六十六
七

詳校官中書臣張經田

主事臣祁韻士覆勘

總校官進士臣朱鈴

校對官編修臣盧遂

謄錄監生臣朱懷玉

欽定四庫全書

玉海卷一百六十六

宋 王應麟 撰

宮室

觀

觀觀也周置兩觀以表宮門其上可居登之可以遠
觀故謂之觀

周兩觀

見門闕類

漢宜春觀

水經注澇水北逕漢宜春觀合美陂水入渭 東方朔

傳注師古曰觀在鄠縣在長安城西

秦上林苑北

王道志

宜春觀武帝造

漢龍臺觀

細柳觀

司馬相如傳上林賦登龍臺掩細柳注張揖曰龍臺觀

在豐水西北近渭

三輔故事曰龍臺高六丈漢時龍見陂中故作此臺括地志曰龍臺觀在

雍州鄠縣東郭璞曰細柳觀在昆明池南黃圖云在長安西細柳市

匈奴傳軍長安西細柳注如淳曰細柳倉在渭北近

石徹張揖曰在昆明池南今有柳市文紀索隱按三輔故事細柳在直

城門外阿房宮西北云在渭北非也西京賦上林禁苑云云邪界細柳

注在長安西北

漢豫章觀 昆明觀

西都賦集乎豫章之宇注館名黃圖曰上林有豫章觀

武帝造在昆明池中亦曰昆明觀 史平準書大修昆

明池列觀環之

括地志昆明觀在雍州長安西二十里黃圖上林苑有昆明觀

天文

志昆明東觀

西京賦昆明靈沼云云豫章珍館揭焉

中峙牽牛立其左織女處其右

薛綜注皆豫章木為臺館也李善曰黃圖上林

有豫章觀

相羊乎五柞之館旋憩乎昆明之池登豫章簡牘

紅注豫章池中臺也

西征賦

潘岳

昔豫章之名宇披玄池而特

起儀景星於天漢列牛女以雙峙

宮殿閣疏昆明池有二石牛女象也

校獵賦

揚雄

先置乎白楊之南注服虔曰白楊觀名

漢甘泉四觀

司馬相如傳上林賦歷石闕歷封巒過鵠望露寒注
張揖曰此四觀建元中作在雲陽甘泉宮外 史記甘
泉更置前殿始廣諸宮室正義揚雄云甘泉本秦離宮
既奢秦武帝增通天臺迎風館近則有洪涯儲胥遠則
有石闕封巒鵠露寒棠梨等觀又有高華白虎溫德
相思觀曾城走狗天梯瑤臺等黃圖武帝先作迎風館
於甘泉山後加露寒儲胥二館建元中作石闕封巒鵠
鵠觀 揚雄甘泉賦封巒石闕施靡乎延屬

師古曰皆
宮名李善

曰黃圖曰甘泉有石闕觀封密觀

度三壺

李善曰即封密觀也

武紀注晉灼曰

雲陽甘泉有宮觀故稱都

漢延壽觀

史紀益延壽觀正義括地志云延壽觀在雍州雲陽縣西北八十一里通天臺西八十步

漢成山觀 日觀

魏志田豫督青州入成山登漢武之觀 黃圖成山在東萊不夜縣於其上築宮闕為觀 封禪儀泰山東南

有山名曰觀

見封
禪

漢屬玉觀

宣紀甘露二年十二月行幸首陽宮屬玉觀注晉灼曰
屬玉水鳥似鷓鴣以名觀也應劭曰宮在鄠秦昭王起
黃圖屬玉觀在右扶風西都賦天子乃登屬玉之
館歷長楊之榭注服虔曰以玉飾因名焉

漢甲觀

成紀元帝在太子宮生於甲觀畫堂

甘露三年元后
傳作甲館畫堂

顏師古謂甲者甲乙丙丁之次元后傳言見於丙殿此其例也而應劭以為在太子宫之甲地謬矣畫堂但畫飾耳又以為畫九子母非也霍光止畫室中是則宮

殿中通有采畫之堂室

漢宮閣疏曰未央宮有畫堂甲觀非常室如淳曰黃圖云太

子宮有甲觀

後清河王慶傳以長別居丙舍

後官志有丙舍長一人

漢上蘭觀

元后傳校獵上蘭注師古曰上蘭觀名在上林中 羽

獵傳揚雄

望舒彌轡翼乎徐至於上蘭注晉灼曰在上林

西都賦饒鄴部歷上蘭 西京賦陳虎旅於飛廉正壘壁乎上蘭注黃圖曰上林有上蘭觀

漢平樂觀

西域傳元康二月烏孫元貴靡願復尚漢公主天子自臨平樂觀會匈奴使者外國君長大角抵設樂而遣之

東方朔傳有平樂觀賦

後漢李尤賦曰設平樂之顯觀章秘偉之奇珍習禁武以

講捷厥不羈之遐鄰彌平原之廣故處金商之維陬南切洛濱北隣倉山

武紀注應劭曰

明帝永平五年至長安迎飛廉并銅馬置上西門外名

平樂館 鄧騭傳涼都畔羌搖蕩西州安帝詔騭將兵擊之車駕幸平樂觀餞之 何進傳靈帝講武於平樂

觀 東京賦其西則平樂都場示遠之觀龍雀蟠蜿天馬半漢瑰異譎詭燦爛炳煥注平樂觀名都謂為大場於上作樂使遠觀之謂之平樂在城西也龍雀飛廉也天馬銅馬也華嶠後漢書曰明帝至長安迎取飛廉并

銅馬置上西門平樂觀也

西京賦注平樂館大作樂處也

漢東觀

洛陽宮殿名南宮有東觀漢氏圖籍所在有石渠石室
延閣廣內蓄之於外府又有御史掌蘭臺秘書及麒麟
天祿二閣藏之於內禁桓帝延熹二年始置秘書監官
秩六百石掌典書古今文字攷古今同異屬太常 紀
和帝永元十三年正月丁丑帝幸東觀覽書林閱篇籍
博選藝術之士以充其官注陸機洛陽記曰在南宮高
闕十二間介於承鳳觀 安帝永初四年二月乙亥詔
謁者劉珍及五經博士校定東觀諸子傳記百家藝術

整齊脫誤是正文字 和熹鄧太后定策立安帝臨朝

政太后自入宮掖從曹大家受經書兼天文算數畫省
王政夜則誦讀而患其謬誤懼乖典章乃博選諸儒劉
珍等及博士議郎四方掾史五十餘人詣東觀校讐傳
記事畢奏御賜葛布各有差又詔中官近臣於東觀受
讀經傳以教宮人 列傳曹褒章和元年召詣嘉德門
令小黄門持班固所上叔孫通漢儀敕褒今宜依禮條
正使可施行於南宮東觀盡心集作 黃香元和元年

肅宗詔詣東觀讀未見書

文苑

北海靖王興子復為臨

邑侯好學能文章承平中每有講學事輒令復典掌

焉與班固賈逵共述漢史傳毅等皆宗事之復子駒駘

及從兄平望侯毅並有才學永寧元年鄧太后詔毅及

駒駘入東觀與謁者僕射劉珍著中興以下名臣烈士

傳 劉珍永初中為謁者僕射鄧太后詔使與校書劉

駒駘馬融及五經博士校定東觀五經諸子傳記百家藝

術整齊脫誤是正文字

文苑

班昭

曹世叔妻

兄固著漢書其

八表及天文志未竟而卒和帝詔昭就東觀藏書閣踵

而成之

列女

孔僖元和二年校書東觀

儒林

李尤和帝

時侍中賈逵薦尤有相如揚雄之風召詣東觀受詔作賦

其賦曰上承重閣下屬周廊前望雲臺後匝德陽道無隱而不顯書無闕而不陳覽三代而來宜包郁郁之周文又東觀銘曰周比舊區皇漢實循房闈內布綺疏外陳升降三除賈啓七門是謂東觀書籍林淵列侯弘雅治掌藝文選注引之拜蘭臺令史安帝時為諫議大夫受詔與

謁者僕射劉珍等俱撰漢記

文苑

張衡永初中謁者

僕射劉珍校書郎劉駒餘等著作東觀撰集漢記因定

漢家禮儀上言請衡參論其事會並卒衡常歎息欲終成之及為侍中上疏請得專事東觀收拾遺文畢力補綴又條上司馬遷班固所叙與典籍不合者十餘事數上不聽後之著述多不詳典時人追恨之 馬融永初

四年拜為校書郎中詣東觀典校祕書

在東觀十年窮覽典籍

竇章少好學有文章與馬融崔瑗同好更相推薦永初中學者稱東觀為老氏臧室道家蓬萊山太僕鄧康薦章入東觀為校書郎注老子為守臧史復為柱下史四

方所記文書皆歸柱下言東漢經籍多也蓬萊海中神山為仙府幽經祕籙並皆在焉 蔡倫為長樂太僕元

初四年帝以經傳之文多不正定選劉珍等詣東觀讎

校漢家法令倫監典其事

宦者

鄧嗣

禹之後

永壽中與伏

無忌延篤著書東觀

崔實桓帝時與朱穆邊韶延篤

等著作東觀

邊韶拜太中大夫著作東觀

張奐奏

尚書章句詔下東觀

盧植能通古今學熹平四年拜

九江太守以疾去官作尚書章句三禮解詁時始立太

學石經以正五經文字植乃上書願得將能書生二人
共詣東觀就官財糧專心研精合尚書章句考禮記得
失庶裁定聖典刊正碑文拜議郎與諫議大夫馬日磾
議郎蔡邕楊彪韓說等並在東觀校中書五經記傳補
續漢記 蔡邕拜郎中校書東觀以經籍去聖人久遠
俗儒穿鑿疑誤後學奏求正定六經靈帝許之邕在東
觀與盧植韓說等撰補後漢記會遭事流離不及得成
奏其所著十意分別首目連置章左注猶前書十志也

有律歷意一禮意二樂意三郊祀意四天文意五車服
意六欲刪定者一接續者四前志所無臣欲著者五

高彪舉孝廉為郎中校書東觀因事諷諫數奏賦頌奇

文靈帝詔東觀畫彪像以勸學者

文苑

陽球奏罷鴻

都文學曰今太學東觀足以宣明聖化願罷鴻都之選

以消天下之謗

酷吏

李勝有文才為東觀郎

儒林

傳孝和數幸東觀覽閱書林初光武遷還洛陽其經牒
祕書載之二千餘兩自此以後參倍於前及董卓移都

吏民擾亂自辟雍東觀蘭臺石室宣明鴻都諸藏典策
文章競共剖散其縑帛圖書大則連為帷蓋小乃制為
滕囊 通典漢東京圖書志在東觀多使名儒碩學入

直東觀撰述國史謂之著作東觀皆以他官領焉

班固傳毅

以蘭臺令史陳崇以洛陽令尹敏以長陵令孟冀以司隸校尉並著作東觀

歷志注袁崧

書曰劉洪在東觀與蔡邕共述律歷記 五行志注孔

叢曰建初元年大旱侍御史孔豐上疏天子納其言三

日雨即降拜黃門郎典東觀事 崔子玉東觀箴洋洋

東觀古之史官左書君行右記其言辛尹顧訪文武明
宣倚相見竇荆國以安云云史臣司藝 吳華敷傳東

觀儒林之府當講校文藝處定疑難漢時皆名學碩儒

乃任其職

吳有東觀令

晉職官志漢東京圖籍在東觀故

使名儒著作有其名尚未有官 唐百官志後漢東觀

藏書之室亦著作之所當時文學之士使校讐其中故

有校書之職 隋經籍志漢中興於東觀及仁壽閣集

新書東觀記一百四十三卷起光武記注至靈帝長水

校尉劉珍等撰 唐藝文志正史類劉珍等東觀記一

百二

一本作三

十六卷目錄一卷

中興書目東觀漢記八

卷案隋志一百四十三卷唐吳兢家藏已亡十六卷今所

存只鄧禹吳漢賈復耿弇寇恂馮異祭遵蓋延八傳

漢記

按史道云劉珍李尤作之自建武至永初後伏無忌邊韶崔實繼作百四十篇號曰漢記熹平中馬日磾蔡邕等續修之 晉華嶠曰劉向父子世典史籍馬融博通三八

東觀 唐劉知幾曰古之國史皆出一家未聞藉功於

衆唯漢東觀集羣儒纂集無主條章不建

漢白虎觀 白虎通德論

章紀建初四年十一月壬戌詔曰三代導人教學為本漢承暴秦褒顯儒術建立五經為置博士其後學者精進雖曰承師亦別名家孝宣皇帝以為去聖逾遠學不厭博故遂立大小夏侯尚書後又立京氏易至建武中復置顏氏安樂嚴氏彭祖春秋大小戴禮博士此皆所以扶進微學尊廣道藝也中元元年詔書五經章句繁多議欲減省至永平元年長水校尉儵樊儵奏言先帝大業當

以時施行欲使諸儒共正經義頗令學者得以自助孔子曰學之不講是吾憂也又曰博學而篤志切問而近思仁在其中矣於戲其勉之哉於是下太常將大夫博

士議郎郎官及諸生諸儒會白虎觀

西都以名殿杜欽谷永於此對六經

之問豈非漢家右文之地歟

講論五經同異使五官中郎將魏應承

制問侍中淳于恭

恭善老子

奏帝親稱制臨決如孝宣甘露

石渠故事作白虎議奏

今白虎通尚書則丁鴻桓郁魯詩則魏應魯恭春秋則楊終

公羊則樓望李育古文左氏則賈逵

儒林傳建初中大會諸儒於白虎

詳考同異連月乃罷肅宗親臨命史臣著為通義又

詔高才生受古文尚書毛詩穀梁左氏春秋

即白虎通義

列傳賈逵拜為郎與班固並校祕書應對左右肅宗立
降意儒術特好古文尚書左氏傳建初五年詔逵入講

北宮白虎觀南宮雲臺使發出左氏傳大義長於二傳
者逵於是條奏之曰臣謹摛出左氏三十事尤著明者
皆君臣之正義父子之紀綱至如祭仲紀季伍子胥叔
術之屬左氏義深於君父公羊多任於權變光武欲立

左氏穀梁會二家先師不曉圖讖故中道而廢願陛下
留意廢學以廣聖見帝嘉之令達自選公羊嚴顏高才
生教以左氏與簡紙經傳各一通八年乃詔諸儒各選

高才生受左氏穀梁春秋古文尚書毛詩由是四經遂

行於世

自建武二年韓歆為費氏易左氏春秋立博士
四年正月公卿會於雲臺范升力排左氏費氏

時陳元立左氏帝以李封為左氏博士封卒復廢賈逵
亦通左氏學永平中上左氏傳國語解詁五十一篇明
帝令藏祕館肅宗好古文尚書左氏傳建初中詔賈逵
入講北宮白虎觀南宮雲臺達言劉氏為堯後左氏有
明文與圖讖合又言古文尚書當立建初八年乃詔諸
儒各選高才生授左氏穀梁春秋毛詩尚書由是四經

行於世繼立學官然皆立高第為講郎給事

楊終肅宗時為校書郎言宣

帝博徵羣儒論定五經於石渠閣方今天下少事學者
得成其業而章句之徒破壞大體宜如石渠故事永為
後世則於是詔諸儒於白虎觀論攷同異焉 魏應習

魯詩建初四年拜五官中郎將肅宗甚重之時會京師
諸儒於白虎觀講論五經同異使應專掌難問淳于恭

奏之帝親臨稱制如石渠故事

儒林

丁鴻兼射聲校尉

肅宗詔鴻與廣平王羨及諸儒樓望成封桓郁賈逵等

論定五經同異於北宮白虎觀鴻以才高論難最明諸
儒稱之帝數嗟焉時人歎曰殿中無雙丁孝公注廣平
王羨明帝子也東觀記曰與太常樓望少府成封屯騎
校尉桓郁衛士令賈逵等集議也白虎門名於門立觀
因以名之焉 李育為博士建初四年詔與諸儒論五

經於白虎觀育以公羊義難賈逵皆有理證號為道儒

儒林

魯恭習魯詩肅宗會諸儒白虎觀特以經名得

召與

與預同

其議

班固為玄武司馬天子會諸儒講論五

經作白虎通德論令固撰集其事書凡十卷四十四門
爵號禮樂巡狩情性衣裳三綱六紀五刑三軍之事悉
備廣平王羨博涉經書有威嚴建初四年與諸儒講論
於白虎殿 清河王慶永元四年帝移幸北宮章德殿
講白虎觀慶得入省宿止 蔡邕封事孝宣會諸
儒於石渠章帝集學士於白虎 明紀永平三年
起北宮八年十月北宮成 鄧后紀有北宮增喜
觀

漢聽訟觀

晉刑法志光武中興留心庶獄常臨聽獄訟躬決疑事
明帝即位常臨聽訟觀錄洛陽諸獄帝性既明察能得
下姦故尚書奏決近於煩碎

漢長樂觀

高彪傳靈帝時京兆第五永為督軍御史使督幽州百
官大會祖餞于長樂觀議郎蔡邕等皆賦詩彪獨作箴

鼎中觀

陸機洛陽地記洛陽南宮有承風觀北宮有增喜觀城外有宣陽觀千秋鴻地泉城揚威石樓等觀城外有鼎中觀 輿地志洛陽西南洛水上有鼎中觀是成王定鼎處 後漢有承祿觀清河王慶居之

魏聽訟觀

魏志明帝太和三年十月改平望觀為聽訟觀帝常言獄者天下之性命每斷大獄常幸觀臨聽之

又置律博士

水經注自天淵池東出華林園逕聽訟觀南觀西北接

華林隸簿

魏總章觀 崇文觀

魏志明帝青龍三年三月大治洛陽宮築總章觀高十餘丈建翔鳳於上四年四月置崇文觀召善屬文者充之 王肅領秘書監崇文觀祭酒 荀勗檢校大樂總章鼓吹八音 洛陽宮殿簿總章觀閣十三間 王

元長曲水詩序協律總章之司厚倫正俗崇文成均之職導德齊禮 文選景福殿賦碣以高唐崇觀表

以建城峻廬注二觀名 輿地志洛陽有廣望閣

風臨商觀 夏侯惠景福殿賦高樓承雲列觀若

浮

魏凌霄觀

魏志明帝作凌霄觀 華延雋洛陽記洛陽城十八觀

洛中記有昌都觀東北有百尺樓魏都水使者陳熙

造

魏紀勳觀

五代史魏賞彭陽之功別創紀勲之觀齊旌泗水之績
乃崇嘉德之樓

晉聽訟觀 後魏東明觀

武帝紀泰始四年十二月庚寅臨聽訟觀錄囚徒親平
決焉五年春正月丙申帝臨聽訟觀錄囚徒多所原遣
十年六月癸巳臨聽訟觀錄囚徒多所原遣 元帝紀
大興元年十一月庚申新作聽訟觀 陸機洛陽地記
宮中有臨高陵雲宣曲廣望閔風萬世修齡總章聽訟

凡九觀皆高十六七丈雲母窗日曜之有光 後魏史

太和十五年五月於東明觀

太和四年十月改作

折疑獄

符堅

置聽訟觀於未央之南

宋延賢堂聽訟

見堂類

晉宣武觀

武帝紀泰始九年十一月丁酉臨宣武觀大閱諸軍甲

辰乃罷十年十一月庚午帝臨宣武觀大閱諸軍咸寧

元年十一月癸亥大閱於宣武觀三年冬十一月丙戌

帝臨宣武觀大閱太康四年十二月庚午大閱於宣武

觀

一本此年六月又闕宣武觀前後凡五閱若是五閱則別本十年及此六月者非當攷禮志武帝泰始

四年九月咸寧元年太康四年六年皆自臨宣武觀大閱衆軍

一本泰始元年十一月庚午帝臨觀十一年

十一月咸寧元年十一月癸亥三年冬十一月大閱於宣武觀

山濤傳武帝常講武

於宣武場濤時有疾詔乘步輦從因與盧欽論用兵之本以為不宜去州郡武備時咸以濤不學孫吳而闡與之合帝曰天下名言也而不能用

禮志元帝大興四

年詔左右衛及諸營教習依大習儀作雁羽仗

水經

注其一水自大夏門東逕宣武觀

宋紀文帝元嘉五

年正月甲申臨玄武館閱武 陳紀宣帝大建十一年
八月丁卯幸大壯館閱武 吳有白爵觀 蜀李輔討
破羌虜築平羌觀於秦亭

宋通天觀

建康宮闕簿通天觀在縣東北五里一百步舊臺城內
宋元嘉中築二十三年更修廣之造景陽樓大壯觀又
立鳳光殿醴泉堂建業宮有迎風觀宋大明中起

宋總明觀 東觀

南史明帝泰始六年九月戊寅立總明觀召學士以充之置東觀祭酒訪舉各一人學士二十人分為儒道文史陰陽五部學言陰陽者遂無其人

以國學廢初置總明觀祭酒一人

王儉傳明帝置總明觀以集學士或謂之東觀置東觀祭酒一人總明訪舉郎一人儒玄文史四科科置學士十人令史以下各有差 齊紀永明三年五月乙未

省總明觀

志建元中掌治五禮永明三年國學建省

傳王謏領東觀祭酒

即明帝所置總明觀也 虞愿領東觀祭酒 司馬憲

待詔東觀為學士 齊武帝築商飈觀 梁立曾城觀
更起重閣

後周崇文觀 通道觀

北史明皇尚學藝內有崇文之觀外重成均之職握素
懷鈔重席解頤之士間出於朝廷員冠方領執經負笈
之生著錄於京邑 武帝紀建德三年六月戊午立通
道觀

唐宗聖觀

元和志樓觀在盩厔縣東三十二里本周康王大夫尹
喜宅也穆王為召幽逸之人置為道士相承至秦漢皆
有道士居之晉惠帝時重置其地舊有尹先生樓因名
樓觀武德初改名宗聖觀事具樓觀本記及先師傳
紀武德七年十月丙子謁樓觀老子祠

唐明義觀

見大明宮

唐兩觀

百官志御史大夫正百官班序遲明列於兩觀 禮閣
人疏魯有三門雉門有兩觀為中門天子五門雉門亦
為中門有兩觀 顏真卿象魏賦濬重門於北極聳雙
闕以南敞

唐明堂四門八觀

會要永徽二年七月詳定明堂門闕制度三年六月二
十八日有司奏方垣四門去堂步數准太廟南門仍立
四門八觀依太廟別各安三門施元闔四角造三重巍

闕後以制度未定而止

唐紫雲觀

舊紀乾封元年正月丁丑兗州置紫雲仙鶴萬歲三觀
封巖非烟重輪三寺

唐望仙觀

武宗紀會昌三年夏

通鑑
五月

作望仙觀於禁中 元稹集

云玉晨觀在紫宸殿後

祥符元符觀

元年正月戊辰改左承天門為左承天祥符門以天書

降故也上梁日車駕親臨以御製大中祥符頌刻石門

側七年十二月己未

一作庚申

詔以左承天祥符門內新建

觀宜以元符為名帝自製序

九月建資善堂於南

先是每歲天慶

節就右承天祥符門內設幄陳供為天書道場以車駕

往來喧雜後命葺皇城司廨宇為之

天禧二年常宴從臣于此其詳見御

製資善堂記

資善堂即觀內

九年五月庚戌以御製元符觀頌刻石

在承天祥符門次西北廊

天禧元年與宗室宰相臨幸歷覽觀中

丹竈藥金寶器之品上作洞天記燒藥殿贄示之

四年正月

十七日詣元符觀幸資善堂

後罷之併入皇城司

歷代觀名

前漢

屬玉 青相

後漢

平樂 長平

魏

高昌 廣望 總章

西晉

宣武

後魏

涼風

宣慈 代

臨望 代

東明 代

憑雲

隋

崇安

太微

宣平

紫微

飛雲

臨霄

永泰

瓊林

霞輝

含華

飛芳

相風

通真 栖霞

後周

通道

三十六國

聽訟 融明 宣武 戲馬 鄧明 御龍

如意 凌霄

六朝

北辰 含章 乾陽 朱明 昇陽 司元

望善 威明 威懷 信明 仁風 臨滄

商颯 齊雲 通天 曾城 甲陳 麗日

大壯

壯齊

望秋 宣風 東明 臨春

漢宮殿名長安有 臨仙 渭橋 仙人 霸昌

蘭池 平樂 九華 豫章 三章 昆明

走馬 華光 封巖 走狗 天梯 瑤臺

汜渠 相思 長平 宜春 華池 射熊

迎風 露寒

三輔黃圖武帝起鵠鵲 神明 集靈 陽祿

府

禮注百官所居曰府又曰府治藏府聚也

周百官府 盟府

見古官名

周策府 記府

穆天子傳天子北征還癸巳至於羣玉之山

即山海經

玉山西王

母所居

四徹中繩容氏所守先王所謂策府注

古帝王藏書策之府 史蒙恬傳周公旦書而藏

之記府成王觀於記府得周公旦書 晉故府

又見

周日本正

周祕府

文選七命云云注風俗通曰秦周常以八月輜軒使採異

代方言藏之祕府

漢兩府 四府 五府 三公府 司徒府

司空府 大尉府

列傳杜延年嘗與兩府及廷尉分章

注如淳曰兩府丞相御史府也

為

御史大夫居父官府不敢當舊位坐臥皆易其處 丙

吉曰以三公之府有紫吏之名吾竊陋焉公府不紫吏

自吉始 翟方進為丞相司直故事司隸校尉位在司

直下初除謁兩府 趙充國為後將軍詔舉可護羌校

尉者四府舉辛湯充國奏不可後五府復舉湯 薛宣

為少府谷永上疏曰宣為左馮翊衆職修理辭訟者歷
年不至丞相府考績功課簡在兩府 段會宗竟寧中
五府舉為西域都護 王商以特進領城門兵得舉吏
如五府 申屠嘉坐府中為檄召鄧通詣丞相府 張
湯為寧成掾以湯為無害言大府調茂陵尉注師古曰
大府丞相府也 趙禹為丞相史周亞夫曰文深不可
以居大府 張安世聞有詔令使吏之丞相府問 劉
德待詔丞相府 匡衡封樂安鄉十餘歲封臨淮郡郡

上計簿更定圖言丞相府

陳遵張竦並入公府 曹

參為丞相相舍後園近吏舍

高祖紀十一年二月詔

其有意稱明德者遣詣相國府署行義年 後明帝紀

永平三年起北宮及諸官府 後百官志太尉公司徒

司空公各一人注古今注曰永平十五年更作太尉

司徒司空府開陽城門內漢官儀曰明帝欲更大尉府

時公趙熹也西曹掾鄭均以為朝廷造北宮整官寺早

魁為虐民不堪命曾無商湯六事周宣雲漢之辭今府

本館陶公主第舍員職既少自足相受熹表陳之其冬
臨辟雍歷二府見皆壯麗而太尉獨卑陋云蔡質漢儀
曰司徒府與蒼龍闕對厭於尊者不敢號府應劭曰不
然丞相舊位在長安時府有四出門隨時聽事明帝欲
依之迫於太尉司空但為東西門耳荀綽晉百官表注
曰漢丞相府門無闕不設鈴不警鼓深大廣遠無節限
也 後歷志熹平四年乙卯詔書下三府與儒林明道
者詳議以羣臣會司徒府議 後傳趙典建和初四府

表薦注四府太尉司徒司空大將軍府也 虞詡曰宜

令四府九卿各辟數人注四府謂太傅太尉司徒司空

之府也 郎顛曰今選舉牧守委任三府 王堂永初

中三府舉堂治劇拜巴郡守 种嵩羊續杜撫辟太尉

府 朱浮光武用明察不復委任三府而權歸刺舉之

吏浮上疏曰覆案不闕三府 陳紀四府並命弟湛與

紀齊德並行父子並著高名每宰府辟召常同時旌命

羔雁成群 陳球辟公府 楊震曰三府辟召宜有尚

書敕 蔡邕封事臣自在宰府

謂司徒橋立府

宰府孝廉士之

高選 左雄上疏吏職滿歲宰府州郡乃得辟舉又言

孝廉先詣公府副之端門 黃瓊五府俱辟 徐璆辟

公府 應奉四府舉才堪將帥 劉陶桓帝時或言改

鑄大錢事下四府羣僚陶議曰云云應劭為車騎將

軍掾中平二年北軍中候鄒靖上言宜開募鮮卑事下

四府劾駁之 盧植四府選才兼文武 韓韶辟司徒

府尚書選三府掾能理劇者以韶為羸長 韓融五府

並辟 鍾皓辟司徒府九辟公府 黃憲辟公府 徐
穉屢辟公府 董扶宰府十辟 范冉三府辟 雷義
陳重三府同時俱辟 寒朗詔三府為辟首由是辟司
徒府 袁安永平十四年三府舉能理劇 賈琮為京
兆令中平元年特敕三府精選能吏有司舉琮為交趾
刺史 范滂為太尉所辟後詔三府掾屬舉謠言滂奏
云云 何顯辟司空府每三府會議莫不推顯之長 鄭
太三府辟不就 李雲延熹二年露布上書移副三府

劉淑五府連辟 延篤五府並辟 召馴董鈞辟司

徒府 周澤辟大司馬府 趙孝永平中辟太尉府

王琳辟司徒府 郝絜等連名奏記三府薦海內高士

郭躬辟公府 南蠻傳永和三年召公卿百官及四

府掾屬問方畧大將軍從事中郎李固駁曰宜更選刺

史四府悉從固議 周禮小宗伯注肆儀若今時肆司

徒府也 朝士注今司徒府有天子以下大會殿 槁

人注今司徒府中有百官朝會之殿 左傳注如今計

獻詣公府卿寺疏自漢以來三公所居謂之府九卿所居謂之寺風俗通曰府聚也公卿牧守府道德之所聚也藏府私府財貨之所聚也寺司也庭有法度今官所止皆曰寺唐會要魏玄同上表曰漢家云云州郡積其功能然後為五府所辟五府舉其掾屬而昇於朝三公參得除授尚書奏之天子一人之身所闕者衆一賢之進其課也詳晉紀咸康元年三月乙酉幸司徒府

時王

導為司徒

漢祕府 書府

藝文志諸子傳說皆充祕府 書序

孔安國

悉上送官藏

之書府

書正義職方在周禮出於山巖屋壁即藏祕

府孔君為武帝博士於祕府而見焉 劉歆書曰古文

舊書多者二十餘通藏於祕府伏而未發 馬融頌發

天府之官常

漢樂府

百官表少府屬官有樂府令丞 禮樂志武帝立樂府

采詩夜誦有趙代秦楚之謳內有掖庭才人外有上林

樂府 紀宣帝本始四年正月詔樂府減樂人使就農

王吉言宜減樂府
明化天下以儉 元帝初元元年六月減樂府員以振

困乏

竟寧中少府召信臣奏
省樂府黃門倡優諸戲

哀帝即位

綏和
二年

六月罷樂

府 李夫人傳上武帝作詩令樂府諸音家絃歌之 霍

光傳昌邑王發樂府樂器 史記孝惠文景無所增更

於樂府習常隸舊而已 張放傳樂府音監景武監主
樂人

也 樂府游徵 文選古樂府注武帝立樂府采齊楚趙

魏之聲 兩都賦序外興樂府協律之事注聚樂之所

大事記元狩二年夏立樂府師古曰武帝始置樂府

之名蓋起於此然惠帝時已有樂府令夏侯寬見志

後律志京房知六律雜試於樂府 五行志成周

宣榭所以藏樂器 晉志翼二十二星主天之樂

府 晉紀泰始元年十二月乙亥禁樂府靡麗百

戲之技

漢莫府

列傳李廣行無部曲行陳莫府省文書大將軍令長史
封書與廣之莫府長史急責廣之莫府上簿注以軍幕
為府古字通用軍旅無常居故以帳幕言之廉頗李牧
市租皆入幕府 馮唐曰魏尚上功莫府 張安世為
衛將軍莫府長史遷辭去之官安世問以過失 趙充
國中郎將印入莫府司馬中亂屯兵 霍光為大將軍
燕王言光擅調益莫府校尉 楊敞給事大將軍莫府
為軍司馬 田延年給事大將軍莫府遷為長史

酷吏

蔡義以明經給事大將軍莫府 鄭吉中西域而立

莫府 陳湯大將軍鳳奏以為從事中郎莫府事壹決

於湯 匡衡元帝初楊興說車騎將軍史高召衡置莫

府與參事議 朱博為郡功曹大將軍王鳳奏請陳咸

為長史咸薦蕭育朱博除莫府屬 杜欽召詣大將軍

莫府 張放為侍中中郎將監平樂屯兵置莫府儀比

將軍 凡將兵皆有 後傳吳漢至莫府上兵簿 李充

莫府

佞幸

為侍中鄧騭曰幕府初開欲辟天下奇偉

獨行

班固

永平初奏記驃騎將軍東平王蒼曰幕府新開廣延羣
俊 竇憲以班固傳毅置幕府典文章 崔彘大將軍
梁商初開莫府首辟之

漢御史府

朱博傳成帝時何武為九卿建言宜建三公官於是以
御史大夫何武為大司空是時御史府吏舍百餘區井
水皆竭又其府中列柏木常有野烏數千棲宿其上晨
去暮來號曰朝夕烏烏去不來者數月長老異之後二

歲餘朱博為大司空奏高帝置御史大夫位次丞相與
正法度以職相參總領百官上下相監臨臣願盡力以
御史大夫為百僚率從之 通典漢御史所居曰御史
府亦曰御史大夫寺在大司馬門內無墜其門用梓板
不覆色亦謂之憲臺後漢謂之御史臺蘭臺寺 漢舊
儀御史大夫寺在司馬門內門無墜門署用梓板不起
郭邑題曰御史大夫寺

漢宗正府

宣帝紀云云

漢記府

鹽鐵論結和第四十三大夫曰漢興以來修好結和親
先帝廣將帥招奮擊以誅厥罪功勲粲然著於海內藏
於記府

漢太常府

桓榮傳榮為太常年踰八十乘輿嘗幸太常府令榮坐
東面設几杖 後歷志於太常府覆校注記平議難問

晉祕府

隋志晉世祕府所存有古文尚書經文

唐書府 內府

褚亮傳圖贊十八學士藏之書府 魏徵傳作類禮二十篇帝美其書錄寘內府

唐雲韶府

志武德後置內教坊於禁中武后如意元年改曰雲韶府以中官為使

熙寧東西府

嘉祐中孫坦請為兩府治第以便詔召神宗即位集賢
學士高賦亦言之熙寧三年九月二十六日癸丑作東

西府

一本七月作

於掖城之南凡八位總千二百楹

東府第
一位一

百五十六間餘各
一百五十三間

明年秋八月東西府成命知制誥陳

繹為之記畧曰國朝襲李唐故大臣不及建地而就居

古之公卿入則相與謀於朝出則相與謀於家今未明
而入進見請決於陛席之前退而百執事叩閤稟事吏

持書奏周走問卷終日不得與二三大臣謀乃出聖畫親初二府度地於闕之西南輪廣方制房皇鈞折繪圖以聞即判定於禁中自熙寧二年秋七月興作云云出則寵之淑旂綏章鈎膺之駕入則具之列鼎蒲筵粉純之居仰而視其宮則有椽題之龔密俯而攝其衣則有袞舄之嚴麗不如是不足以待其人非其人不足以相天下之政九月二十六日丁未辛新作東西府亦為三司使薛向治公解十月丁巳賜宴於王安石位始遷也

元祐三年四月辛巳右僕射呂公著拜司空同平章
軍國事一月三赴經筵二日一朝因至都堂議事於是
建府於東府之南啓北扉以便宰執會議三省密院條
列所當關者目曰軍國事以三公平章者四人
二人公著父子也 紹興
二十六年正月九日建執政府三位癸丑令
遽入 二十六日
建左右相第於都省北

元豐文昌府 唐尚書省圖

元豐五年官制初行七月新省成揭榜曰文昌府會要
作六

年十月庚子成十一月十九日幸

前為都省令廳在中僕丞分左右六

曹列於後東西向合三千一百間有奇 崇寧三年六

月二十九日家安國上得唐都省圖六曹在前遂遷舊

七寺監更建後宰執往往賜第

會要安國言神宗得唐制尚書省圖按視已有

意改作詔將作監繪圖修建政和四年四月五日駕幸尚書省

周邦彥汴都賦其次

則有文昌之府分省為三列寺為九殊監為五左選為

文右選為武曰三十房二百餘案二十四部黜隋之陋

更唐之故合千司之離散儼星羅於一字

崇寧大晟府

崇寧初議大樂四年八月二十七日賜名大晟置府建
官府在宣德門外天街之東隸禮部以大司樂典樂為
長貳次曰大樂令主簿協律郎工有樂正至舞師宣和
七年十二月罷

玉海卷一百六十六